

生若何敬仰。吾僑對於此捐款。宜盡若何助力也。吾僑宜暫爲減衣縮食。以助成嶺南農學。而謀永久之豐衣足食也可。

陳穎川學校開學兼開歡迎會紀益

本灣訪函云。昨禮拜一日。(十號)陳穎川堂中西學校開學。敬設茶會。歡迎鍾榮光先生，鍾仲芍先生，謝超傑先生，區永篤先生，周文波先生，各來賓。及邀請公使領事主事各先生。駕臨指教。而孫秘書慕唐先生下車伊始。亦同在歡迎之列。時至下午一點鐘。鍾先生等卽一齊駕臨陳穎川學校。該校員生等亦預肅衣冠。排班歡迎。一一握手爲禮。迎入禮堂。稍事憩息。卽搖鈴開會。先由該堂總理兼學校教員月湖君。宣佈開會歡迎理由。而致仰慕高賢之意。先由鍾先生。孫秘書等，次第起立致答謝詞。并發揮鴻詞偉論。訓勗諸生。而嘉獎該堂辦學之熱心。各員生靜聽嘉言。感激不已。鼓掌之聲。達於戶外。演畢。乃開茶會。歡叙一堂。莫非賢俊。該校員生。顧而樂之。洵盛會也。至一點餘鐘。始各興辭而返云。

鍾穎川堂歡迎鍾謝周區諸先生紀盛

本灣訪函云。昨十六號。鍾穎川堂。敬設茶會。歡迎鍾榮光及鍾仲芴謝超傑區詠篤周文波諸先生。駕臨指教。時至下午一點。諸先生一齊至鍾穎川堂。該堂昆仲。肅整衣冠。相爲迎接。一一握手爲禮。隨即延入禮堂。稍事憩息。即由該堂總理羣楹君。搖鈴開會。宣布開會理由。并致欽仰兩先生德隆望重之好意。隨即敬請鍾榮光先生演說。大意勉勵該堂昆仲。必要愛國愛鄉。固結團體。互相扶助。次及教育之前途。當如何整頓。并發揮農業爲當今急務。當如何改良。我廣東方能足衣足食。不須仰賴他方。洋洋數千言。說畢。鼓掌之聲。宣達戶外。是時日將傍晚。乃開茶會。如儀而散。洵盛會也。

灣城致公總堂之踴躍勸捐

鍾榮光先生駕抵灣城爲嶺南農業大學募捐。該埠致公總堂念教育之重要。故即派出會長黃仲和，李明靚，及洪少植，雷家平，梁傳福，葉炎林諸先生。沿門勸捐云。至德總堂則派蔡仲榮，周秋賀，吳業欵三君勸捐。昭倫堂亦派人動捐。可見古巴僑胞之踴躍贊助農大矣。